



Dirección Xeral de Educación, Formación Profesional e Innovación Educativa

Proba de bacharelato. Abril 2016

Exercicio	1º, de materias comúns.
Parte	1
Exame de	Lingua galega e literatura I e II.

1º apelido / 1 ^{er} apelido	
2º apelido / 2º apelido	
Nome / Nombre	
DNI	



1. Formato da proba

Formato

- A proba consta de sete preguntas.
- A cualificación de cada pregunta aparece a carón de cada unha delas.

Duración

- Este exercicio terá unha duración máxima de 90 minutos.

2. Corrección lingüística

Na avaliación terase en conta a corrección lingüística no exame. Descontarase por erros até un máximo de 2 puntos sobre a cualificación global, segundo a seguinte clasificación:

- Solucións que son alleas ao sistema lingüístico do galego, como tempos compostos, mala colocación do pronome persoal átono, etc. Descontarase 0,2 puntos por cada incorrección.
- Solucións ortográficas contrarias á norma lingüística (b/v, h, y, etc.) e acentuación diacrítica. Descontarase 0,1 puntos por cada incorrección.
- Solucións galegas alleas ao estándar vixente e acentuación non diacrítica. Descontarase 0,05 puntos por cada incorrección.



3. Exercicio

Texto 1

- Circula por Internet un vídeo no que se ve unha adolescente dándolle unha malleira brutal a outra que non se defende, pídlle de xeonllos á agresora que a deixe, e acaba encollida no chan mentres recibe patadas na cara e golpes na cabeza. Óese a voz da vítima, queixándose, e a doutra rapaza que lle pide á agresora que pare xa, que «hai xente». Pelexas de adolescentes sempre houbo, sobre todo de rapaces. O das rapazas é cousa máis recente e, sen dúbida, é un dos camiños equivocados da igualdade, o mesmo que o uso dunha linguaxe porca e de actitudes agresivas. Pero a gran novidade, e o que a min máis me impresionou, é a pasividade das testemuñas, desa «xente» de quen a persoa que gravaba anuncia a presenza. E impresióname que esa boura se grave e se suba a Internet. Por suposto, a finalidade non é de denuncia da agresora, nin para favorecer a vítima. Ben ao contrario, constitúe algo así como as marcas que os pistoleiros poñían nos seus *colts*: a máis marcas, máis admiración. A violencia xera violencia. O caso máis claro é o dos nenos maltratados que acaban sendo á súa vez maltratadores adultos. Que serán no futuro estes adolescentes de hoxe que, en vez de defender a vítima, se dedican a gravar a agresión? E que está facendo a sociedade para evitar a exhibición e propagación desa violencia?

Marina Mayoral, *La Voz de Galicia*, 08/04/2014

1. Sinala a estrutura do texto indicando os núcleos de contido de cada parte (valoración: 1 punto).
2. Explique a que se refire a autora cando afirma: “O das rapazas é cousa máis recente e, sen dúbida, é un dos camiños equivocados da igualdade” (liñas 4 e 5) (valoración: 1 punto).
3. Redacte un texto onde dea resposta ás dúas preguntas con que remata o artigo Marina Mayoral. Extensión aproximada: 200-250 palabras (valoración: 3 puntos).
4. Localice as formas do pronome persoal átono que contén o texto 1 até o primeiro punto e sinala a función sintáctica que cumpren (valoración: 1 punto).
5. Indique se as vogais que presentan as seguintes palabras en posición tónica son abertas ou pechadas: *agresora* (liña 2), *golpes* (liña 3), *cabeza* (liña 3), *mesmo* (liña 5) e *hoxe* (liña 11) (valoración: 1 punto).
6. Escolla unha das seguintes opcións (A ou B) e desenvolva os dous temas que se lle propoñen.
 - A diversidade lingüística na Península Ibérica: territorios, usos e situación legal. O caso galego. Extensión aproximada: 200-250 palabras (valoración: 1 punto).

A literatura do exilio entre 1936 e 1976: poesía, prosa e teatro. Extensión aproximada: 400 palabras (valoración: 2 puntos).
 - O galego de finais do século XX e comezos do XXI: características lingüísticas fundamentais. Contexto histórico e situación sociolingüística. Extensión aproximada: 200-250 palabras (valoración: 1 punto).

A literatura no século XIX: o Prerrexurdimento e o Rexurdimento. Características, autores e obras representativas. Extensión aproximada: 400 palabras (valoración: 2 puntos).